

Toi Ataata Kaupae 1

Tautuhinga Aromatawai Ā-Waho 2024

Te Paerewa Paetae

92085

Te Ingoa

Te whakaatu māramatanga ki ngā huānga toi ataata

Te Marautanga

Te Marautanga o Aotearoa

Te Wāhanga Ako

Toi Ataata

Ngā Whiwhinga

E 4

Te Tukanga Aromatawai

He Kete Manarua

Te Wā Tuku Aromatawai

Te 1 o Oketopa 2024 ki te 30 o Oketopa 2024

Kete Manarua

Ko te KETE i pū mai i te pā harakeke, he whakapapa tōna.

He MANA tōna, e rua ōna āhuetanga; Kātahi: Ko ngā taonga tuku iho ka kohikohia e te ākonga. Ka rua: He whakapiki i te mana motuhake o te ākonga, ōna hapū, ōna iwi hoki.

He tāpaetanga ā-matihiko te āhua o te KETE MANARUA ka tukuna mai e te kura, ā, he kōpaki, he kiriata, he kōrero ā-waha, he rauata, he tuinga, he pūrongo, he whakaaturanga, he rātaka, he mahi rangahau aha atu aha atu.

Te Whakatakotoranga Aromatawai

Ka tīpako te akonga i tētahi o ngā momo toi kua rārangihia me te hanga whakamāramatanga o ngā huānga toi e kitea ana tae rā anō ki tōna hāngaitanga ki te horopaki o te mahinga toi.

He huānga toi pēnei i te:

- Okowā tōraro
- Hononga
- Tohu
- Ōhua
- Rārangi.

Ko te rauemi, he kōwhiringa toi ataata ina koa:

- Mahinga tārai

- Kōwhaiwhai
- Peita
- Raranga
- Whakaahua
- Toi matihiko rānei.

Mā te ākongā e whiriwhiri kia 400 – 500 kupu te roa mō te whakautu ā-tuhi rānei, ā kia 3 miniti te roanga o te whakautu ā-waha rānei.

Ngā Herenga Aromatawai

He mahi takitahi tēnei mahi nā te ākongā; me te whakatakoto taunakitanga mō te aromatawai ā-waho. He Kete Manarua ā-matihiko anake.

Kia tutuki pai te Kete Manarua ā-matihiko nei:

- me whakaputa hei PDF;
- me noho te rahinga tuari ki raro i te 5GB e pai ai te tārewatanga o ngā mahi ki te Online Digital Submission Portal;
- me tika te whakaraupapatanga o ngā mahi;
- me tika te whakatakotoranga o ngā mahi (kia kaua e noho tītaha, huripoki rānei);
- me tāmāua te kiriata ki te tītohunga ataata, ā, kua rāhuitia te tukuhanga noa i te honongaitua me tana kōtahi.

Te Motuhēhē o ngā mahi o ngā ākongā

Me pēhea e mōhiotia ai te motuhēhē o ngā mahi o ngā ākongā? He tukanga, he taunakitanga e mōhiotia ai nā te ākongā ake āna mahi aromatawai. Kia mataara ngā ākongā, ngā kaiako me te whānau o te kura hoki ki te motuhēhē o ngā mahi a ngā ākongā.

He māmā noa iho te tiki mahi a tangata kē, heoi, mā te mihi e whakaatu, e whakanui hoki i ngā tāngata me ngā puna awhina i puta ai ngā mahi a ngā ākongā.

Hei tauira:

- He rerenga kupu poto e tohu ana i te pūtakenga mai o tētahi kōrero;
- He rārangi tohutoro i te whārangi whakamutunga o ngā mahi;
- He mihi ki te tangata | puna awhina;
- Ngā momo puna awhina, puna kōrero rānei:
 - » Kōrero ā-waha: he uiui kaumātua, pakeke, rangatira, mātanga rānei;
 - » Ngā pukapuka i whakaputa;

- » Ngā pukapuka kāore i whakaputa;
- » Wāhitau ipurangi.

He kōrero anō i ngā wāhitau ipurangi o te paetukutuku NZQA:

- [Authenticity :: NZQA](#)
- [Myth 3 Managing authenticity :: NZQA](#)
- [Authenticity of externally assessed standards :: NZQA](#)
- [Guidance on the acceptable use of Artificial Intelligence :: NZQA](#)

Te Tāpaetanga me te Hāponotanga

Ko ngā tāpaenga Kete Manarua me mahi mā te pūnaha hou (kei te pae ipurangi matua o MyNZQA): [Tāpaetanga pūnaha hou NZQA](#).

Kāore te Kete Manarua matihiko e whakahokia ki te ākongā. Mēnā he kōrero anō mō te tāpaetanga me te hāponotanga o te mahi, mā te tari o NZQA e pānui atu ki ngā kura.

Mēnā kei te hiahia āwhina ki te tuku atu i ngā tāpaenga Kete Manarua:

- Īmera mai ki assessment.servicecentre@nzqa.govt.nz,
- waea rānei i te NZQA Contact Centre mā te nama 0800 687 296.